



Služba za saobraćaj, stambeno-komunalne poslove i građenje

INFORMACIJA O STANJU U STAMBENO-KOMUNALNOJ OBLASTI

Decembar, 2019. godine

Programom rada Općinskog vijeća Ilijaš za 2019. godinu u mjesecu decembru planirano je razmatranje Informacije o stanju u stambeno-komunalnoj oblasti.

Služba za saobraćaj, stambeno-komunalne poslove i građenje Općine Ilijaš u čijoj nadležnosti je praćenje stanja u stambenoj oblasti kao i rješavanje u prvostepenom upravnom postupku u pojedinim komunalnim djelatnostima pripremila je tekst Informacije o stanju u stambeno-komunalnoj oblasti kako bi se Općinsko vijeće Ilijaš i javnost upoznali sa stanjem u ovoj oblasti u toku 2019. godine.

II STAMBENA OBLAST

Vraćanje u posjed privremeno napuštenih stanova od strane nosioca stanarskog prava

Zakonom o preuzimanju Zakona o stambenim odnosima ("Službene novine Federacije BiH", broj: 11/98, 38/98 i 19/99); vođenje prvostepenog upravnog postupka iz stambene oblasti stavljeno je u nadležnost Uprave za stambena pitanja Kantona Sarajevo.

Vraćanje na raspolaganje Općini Ilijaš napuštenih stanova za koje nije podnesen zahtjev za vrćanje u posjed od strane nosioca stanarskog prava

Kantonalna uprava za stambena pitanja je do 19.05.2006.godine u skladu sa Zakonom o vraćanju, dodjeli i prodaji stanova ("Službene novine Federacije BiH", broj: 28/05 i 2/08); trebala općinama vratiti sve stanove na kojima je prestalo stanarsko pravo. Općina Ilijaš je putem nadležne službe podnijela zahtjev za vraćanje 65 stanova koji su na osnovu podataka nadležne općinske službe evidentirani kao stanovi za koje nisu podneseni zahtjevi za povrat od strane ranijih nosioca stanarskih prava i privatizovanih preduzeća, odnosno za stanove za koje je smatrala da su napušteni stanovi.

Jedan od vrlo bitnih segmenata Zakona o vraćanju, dodjeli i prodaji stanova odnosi se na dodjelu stanova licima u stanju socijalne potrebe bez riješenog stambenog pitanja, što je određeno članom 8. stavom 1. U skladu sa navedenom odredbom od 65 stanova, 49 stanova koriste porodice u stanju potrebe za stambenim zbrinjavanjem. Istim su data rješenja za privremeno korištenje na šest mjeseci, uz obavezu korisnika da nakon isteka roka ponovo podnose zahtjeve za produženje prava na privremeno korištenje.

Sa ovim korisnicima se zaključuju i Ugovori o međusobnim pravima i obavezama.

Za jedan (1) stan je sklopljen sporazum o privremenom korištenju sa Schnoor Ernom, do izgradnje zamjenskog stana, za srušeni stan u ulici Bosanski put br.17.

Po evidenciji Službe, za 15 stanova koji su oštećeni i devastirani vodi se postupak povrata nosiocu stanarskog prava kod Uprave za stambena pitanja.

Međutim, generalno kao i odredbama Zakona o vraćanju, dodjeli i prodaji stanova ova oblast nije u potpunosti i adekvatno zakonski riješena niti je razgraničena nadležnost za postupanje organa u Kantonu i Općini, te se sva lica upućuju u Općinu za rješavanje stambenog pitanja, čak i od strane institucija koje bi obzirom na pravno djelovanje morali poznavati nadležnosti jedinice lokalne samouprave, te granicu ovlaštenja u postupanju po vraćenim stanovima.

Općina Ilijaš je u mjesecu maju 2019. godine raspisala Javni poziv za podnošenje prijave za dodjelu stana iz kategorije stanova na kojim je postojalo stanarsko pravo, a za koje nije pokrenut postupak za vraćanje i na kojem pravo raspolaganja ima Općina Ilijaš. Radilo se o stanu u vlasništvu privatizovanog preduzeća Željezare "Ilijaš" d.o.o. Ilijaš, a koji podliježe primjeni Zakona o vraćanju, dodjeli i prodaji stanova ("Službene novine Federacije BiH", broj: 28/05 i 2/08) i to stan u Ilijašu u ulici Kakanjska br. 11/1, po strukturi dvosoban površine 75 m². Nakon provedene konkursne procedure stan je dodijeljen Čiva Zajki, bivšem uposleniku "Željezare" Ilijaš, a u toku je otkup ovog stana od strane imenovanog.

Dodjela stanova na privremeno korištenje u 2019. godini

Služba za saobraćaj, stambeno-komunalne poslove i građenje Općine Ilijaš je u toku 2019. godine rješavala zahtjeve u prvostepenom upravnom postupku za produženje prava na privremeno korištenje stanova koji su ranije dodijeljeni licima u stanju potrebe za stambenim zbrinjavanjem.

Za stanove izgrađene poslije rata, koji su vlasništvo općine Ilijaš, od ukupno 104 stana, 43 stana koriste lica u stanju socijalne potrebe bez riješenog stambenog pitanja na privremeno korištenje od šest mjeseci uz obavezu korisnika da nakon isteka roka ponovo podnose zahtjeve za izdavanje rješenja o produženju prava na privremeno korištenje.

Preostali stanovi su dodijeljeni na trajno korištenje (romskoj populaciji, žrtvama rata i samohranim majkama) i porodicama sa područja Srebrenice.

Tako je do pripremanja ove Informacije u toku 2019. godine riješeno 92 zahtjeva za produženje prava na privremeno korištenje stana.

Kada je u pitanju prva dodjela stanova na privremeno korištenje u toku 2019. godine stan na alternativno korištenje dodijeljen sljedećim licima:

1. Aliefendić Revdi – stan u ulici Bosanski put bb, Lamela III, stan broj: 4, površine 35 m². Radi se o šehidskoj porodici,

2. Čilaš Senidi – stan u ulici Bosanski put bb, Lamela III, broj ulaza:3, stan broj: 1, površine 35 m². Radi se o logorašu BiH i žrtvi rata.

3. Halilović Zehri – stan u ulici 28. jul br. 1, površine 40 m². Imenovana je član šehidske porodice, a ovaj stan koristi od 2000. godine.

Obzirom da Služba za saobraćaj, stambeno-komunalne poslove i građenje ima preko 150 evidentiranih zahtjeva za dodjelu stana na privremeno korištenje, te da nemamo kapaciteta da sve zahtjeve pozitivno riješimo Općina Ilijaš nastoji pomoći licima u stanju socijalne potrebe na način da im omogući plaćanje zakupa u mjesečnom iznosu od po 150,00 KM. Tako u 2019. godini plaćanje zakupa je omogućeno sljedećim korisnicima:

- Šehić Dženiti - kuća u Luci, vlasnik Alić Nezir (Ugovor do 31.12.2019. godine);

- Šabić Sadmiru - stan u ulici Ivana Franje Jukića br. 46, vlasnika Suton Marinka (Ugovor do 31.12.2019. godine);

- Bajramović Sadudin - kuća u Gornjoj Luci bb, vlasnik Ličina Mersudina (Ugovor do 31.12.2019. godine);

- Alić Senija - kuća u ulici Bosanski put br. 152 vlasnik Mašić-Sokić Dženita (Ugovor do 11.10.2020. godine);

- Čelik Nermin - kuća u Mrakovo vlasnik Čelik Ferid (Ugovor do 31.12.2019. godine).

Otkup stanova na kojim postoji stanarsko pravo

Služba još uvijek radi na poslovima obrade zahtjeva za otkup stanova na kojima postoji stanarsko pravo za koje je Općina nosilac prava raspolaganja (vlasnik stana), stanova privatizovanih preduzeća i stanova nepoznatih vlasnika. U toku 2019. godine podnesena su 4 zahtjeva za zaključivanje Ugovora o kupoprodaji stana na kojem postoji stanarsko pravo, a još niti jedan postupak nije okončan iz razloga što su određeni zahtjevi nepotpuni, a nažalost u KPU koja se vodi kod Općinskog suda u Sarajevu Općina Ilijaš nije upisana kao vlasnik niti jednog stana.

Služba intenzivirano radi na upisu prava vlasništva u KPU te se nadamo da ćemo ovu proceduru što prije završiti.

U septembru 2019. godine Presudom Općinskog suda u Sarajevu je utvrđeno da je Dragić Zdenka ispunila zakonske uslove za otkup stana na kojem je postojalo stanarsko pravo u ul. 126. Ilijaške brigade br. 1, njene pokojne majke Zakošek Helene, te je Presuda u fazi izvršenja.

U obradi se nalaze 15 zahtjeva za otkup stanova iz ranijeg perioda.

U svakom od ovih predmeta i dalje nedostaje neki od dokaza kojim se dokazuje pravo na otkup stana. Neki od podnosilaca zahtjeva ne pokazuju dovoljno interesa da prilože sve dokaze potrebne za otkup stana.

Finansijskih efekata od prodaje stanova nema jer otkupna cijena svih stanova plaćena u certifikatima, što je omogućeno Zakonom o utvrđivanju i ostvarivanju potraživanja građana

u postupku privatizacije, koji je važio do mjeseca juna 2019. godine, a čije produženje roka je u fazi usvajanja od strane Parlamenta Federacije BiH.

Održavanje zajedničkih dijelova zgrada

Održavanje zajedničkih dijelova zgrada i upravljanje zgradama na području Kantona Sarajevo uređeno je Zakonom o zajedničkim dijelovima zgrade ("Službene novine Kantona Sarajevo", broj: 19/17 i 17/18).

U nekim zgradama zbog nezainteresovanosti etažnih vlasnika ili etažni vlasnici žive van Bosne i Hercegovine još nisu formirani kućni savjeti, niti je izabran predstavnik etažnih vlasnika ni upravitelj koji bi se brinuo o upravljanju i održavanju zajedničkih dijelova zgrade. Nadležno Ministarstvo ovlašteno je da u takvim zgradama odredi prinudnog upravitelja. U ovoj godini o tome nije doneseno niti jedno rješenje.

Mnogi etažni vlasnici i dalje ne shvataju da su zajednički dijelovi zgrada njihova zajednička i nedjeljiva svojina, te da su je dužni održavati. Tek kada nastane neki problem u zgradi aktiviraju se u njegovom rješavanju i traže pomoć.

U 2019. godini na stambenim zgradama bile su dvije hitne intervencije radi otklanjanja kvarova na vodovodnim instalacijama od čega je jedna realizovana uz Policijsku asistenciju VII Policijske uprave Ilijaš.

Općina Ilijaš je vlasnik 104 stana u lamelama u Starom Ilijašu Starom i Mrakovu (izgrađeni poslije rata) za koje ni u toku ove godine nije određen upravitelj.

U Budžetu Općine Ilijaš za 2019. godinu planirana i realizovana su sredstva u iznosu od 25.000,00 KM za zajedničko održavanje zgrada. Sredstva su utrošena za:

- Sanaciju dijela ravnog krova u ulici Ivana Franje Jukića br. 14;
- Limarsku obradu dimnjaka i ventilacije u ul. 126. ilijaške brigade br. 5;
- Sanaciju srušenog zida u ulici Bosanski put br. 14;
- Sanaciju zajedničkih dijelova stubišta – stepenište, ulazna vrata, stubišni prozorski otvori, elektro instalacije i djelimičan moleraj stubišta u ulici Bosanski put - kolektivni centar Srebrenica;
- Sanacija krova – samara, popravka vanjske i pregradne stolarije kao i ograde stepeništa i zidarska obrada oko otvora za Romsko naselje Mrakovo.

U Nacrtu Budžeta za 2020. godine planirana su sredstva za zajedničko održavanje zgrada u iznosu od 30.000,00 KM.

Gradnja novih stanova i obnova postojećeg stambenog fonda.

Na području Općine Ilijaš u posljednjih par godina, a zbog velike zainteresovanosti intenzivirana je gradnja novih stambenih zgrada. Zgrade uglavnom grade privredni subjekti.

Obnova zajedničkih dijelova stambenih zgrada finansira se iz sredstava Ministarstva prostornog uređenja, građenja i zaštite okoliša Kantona Sarajevo i Općine Ilijaš. Još uvijek se ulažu napor da se saniraju oštećenja nastala ratnim dejstvima i neadekvatnim održavanjem stambenih zgrada. Radi se o štetama za čije otklanjanje su potrebna veća finansijska sredstva.

U toku 2019.godine potpisan je Sporazum o sufinansiranju izvođenja radova na zajedničkim dijelovima zgrade (sanacija krova) na području Kantona Sarajevo između Općine Ilijaš i Ministarstva prostornog uređenja, građenja i zaštite okoliša kojim je planirano izvođenje radova na zajedničkim dijelovima zgrade u ulici Bosanski put br. 239. Predračunska vrijednost projekta iznos 28.8370,60 KM sa PDV-om, od čega Ministarstvo prostornog uređenja, građenja i zaštite okoliša Kantona Sarajevo učestvuje sa 13.000,00 KM.

III. KOMUNALNA OBLAST

Komunalne usluge su poslovi na nivou lokalne zajednice koji su od općeg (zajedničkog) i javnog interesa, a koji spadaju u samoupravni djelokrug jedinice lokalne samouprave. Ova oblast regulisana je Zakonom o komunalnim djelatnostima ("Službene novine Kantona Sarajevo," broj: 14/16, 43/16, 10/17, 19/17, 20/18 i 22/19) i Zakonom o komunalnoj čistoći ("Službene novine Kantona Sarajevo", broj: 14/16, 43/16 i 19/17). U daljem tekstu osvrnut ćemo se na stanje i probleme u onim komunalnim djelatnostima koje prati ova Služba.

KOMUNALNE DJELATNOSTI INDIVIDUALNE KOMUNALNE POTROŠNJE

Odvođenje i prečišćavanje otpadnih voda

Kada je u pitanju izgradnja kanalizacione mreže na području Općine Ilijaš i u 2019. godini kontinuirano su nastavljene aktivnosti na izgradnji iste.

U toku 2019. godine u ovoj oblasti realizovani su sljedeći projekti:

- Izgradnja dijela kanalizacione mreže u MZ Malešići u cilju stvaranja infrastrukturnih uslova za održivi povratak na ovom području i to u naselju Gornji Malešići, krak 3 u dužini 1712 m. Investitor je Općina Ilijaš, Ministarstvo za ljudska prava i izbjeglice BiH – Fond za povratak, a vrijednost Projekta je cca.151.899,85 KM;

- Izgradnji dijela fekalne kanalizacione mreže u Gornjoj Karauli dužine 1240 m, vrijednost projekta 87.042,15 KM. Investitor je Općina Ilijaš i Kanton Sarajevo.

Stručno tehnički nadzor nad izvođenjem radova vrši Zavod za izgradnju Kantona Sarajevo.

U toku su pripremne aktivnosti na izgradnji kanalizacione mreže u MZ Ljubinići u dužini 652 m. Vrijednost radova je 54.000,00 KM, a Investitor je Općina Ilijaš i Kanton Sarajevo. Realizacija projekta bit će implementirana u 2020. godini.

Nakon okončanja radova bit će pribavljene upotrebne dozvole za novoizgrađene kanalizacione mreže i iste će bit prenesena na upravljanje i održavanje JKP "Vodostan" d.o.o. Ilijaš.

Prikupljanje i odvoz komunalnog otpada na deponiju

Komunalni otpad na području Općine Ilijaš sada se prikuplja u oko 362 posude vlasništvo KJKP "Rad", 92 posude vlasništvo privrednih subjekata i 72 reciklažne posude.

Općina Ilijaš je u saradnji sa KJKP "Rad", Organizacionom jedinicom Ilijaš u okviru priprema za uspostavu reciklaže otpada izvršila nabavku PHD kanti za komunalni otpad za građane MZ Lješevo (400 kom) – 2017. godine, MZ Ljubinići i MZ Misoča (1500 kom) – 2018. godine, MZ Podlugovi i MZ Malešići (1500 kom) – 2019. godine.

Na području ovih mjesnih zajednica uveden je dvolinijski odvoz otpada i pražnjenje kanti se vrši jednom sedmično.

U ostalim mjesnim zajednicama odvoz otpada se vrši putem metalnih posuda/hajfiša, a Općina Ilijaš u saradnji sa KJKP "Rad" planira uspostavu reciklažnog otpada i u preostalim mjesnim zajednicama.

Organizovano prikupljanje i odvoz na deponiju kućnog smeća vrši se u slijedećim naseljenim mjestima: Crna Rijeka, Donja Bioča, Donji Čevljanovići, Donji Ivančići, Dedići, Gornja Bioča, Gornji Čevljanovići, Gornji Ivančići, Gajevi, Hadžići, Ilijaš-Grad, Kadarići, Kamenica, Karašnica, Lokve, Luka, Ljubina, Mrakovo, Novo Naselje, Nišići, Popovići, Salkanov Han, Sovrle, Srednje, Stari Ilijaš, Vlaškovo i Vrutci.

Iz gradskog dijela odvoz otpada se vrši svakodnevno, a iz prigradskih naselja dva do tri puta sedmično, po potrebi.

Dnevno se na deponiju u Sarajevo, u prosjeku odveze, 17-20 tona smeća.

Kabasti otpad odvozi se dva puta godišnje po unaprijed utvrđenom rasporedu.

Općina Ilijaš je u 2019. godini realizovala Ugovor o izvođenju radova na izgradnji reciklažnog dvorišta u Ilijašu – I faza. Vrijednost radova je 328.185,00 KM, a investitor je Općina Ilijaš i Kanton Sarajevo. Nadzor nad izvođenjem radova vršila je IG Banja Luka.

U 2020. godini planiran je nastavak II faze.

Nakon završetka izgradnje reciklažnog dvorišta planirano je razvrstavanje prikupljenog reciklažnog otpada na ovoj lokaciji.

Obavljanje pogrebnih poslova

Pitanje ukopa umrlih lica na području općine Ilijaš riješeno je na duži period izgradnjom groblja "Poda" u naseljenom mjestu Ljubnići, tako da u ovoj djelatnosti sada nemamo izraženih problema.

Odlukom o usvajanju Regulacionog plana "Stari Ilijaš", broj: 01/1-02-1506-7b/17 od 29. juna 2017. godine ("Službene novine Kantona Sarajevo", broj: 27/17), na zemljištu ozanačenom kao k.č. br. 1102, 1103, 1104, 1105, 1107 i 1108 K.O. Ilijaš Grad predviđen je prostor za proširenje mezarja/groblja. Predmetne parcele su u vlasništvu Općine Ilijaš te će biti ustupljene za proširenje mezarja.

Organizovanje prevoza, sahrana i ukop umrlih lica, na cijelom području Općine Ilijaš, vrši se od strane porodice i drugih srodnika umrlog lica.

Ove usluge pružaju pravna lica registrovana za obavljanje ove djelatnosti.

Snabdijevanje toplotnom energijom

Usluge ove komunalne djelatnosti pruža KJKP "Toplane" Sarajevo. Usluge se pružaju za 603 korisnika, od čega je 529 korisnika stambenog prostora (30 348m² površine) i 74 korisnika poslovnih prostora (12 163m² površine), od kojih je 12 (poslovnih prostora) isključeno sa sistema centralnog grijanja.

Na području općine Ilijaš zagrijavanje se vrši putem jedne Kotlovnice "Ilijaš" instalisane snage 12 MW od čega je angažovana snaga 5225MW, te 10 aktivnih toplotnih podstanica koje su u vlasništvu trećih lica, i to:

1. Toplotna podstanica J:P;BiH Pošte – Pošta Ilijaš
2. Toplotna podstanica Dom zdravlja i općina Ilijaš
3. Toplotna podstanica Profesionalna vatrogasna brigada Ilijaš
4. Toplotna podstanica Šljivo Elvir
5. Toplotna podstanica JU Centar za socijalni rad
6. Toplotna podstanica SC Ilijaš
7. Toplotna podstanica OŠ Hašim Spahić
8. Toplotna podstanica Policijska uprava Ilijaš
9. Toplotna podstanica MŠC (Gimnazija)
10. Toplotna podstanica JU "Djeca Sarajeva "Obdanište 17.juli

Ukupno naplaćena potraživanja od korisnika centralnog grijanja na području općine Ilijaš iznose cca 95%.

Ovo Preduzeće je spremno i zainteresovano za priključivanje novih korisnika na sistem daljinskog zagrijavanja i na to treba podsticati vlasnike stanova i poslovnih prostora, da bi se gasila individualna ložišta, a time štitila životna sredina.

Sporazumom iz 2018. godine Općina se obavezala da će finansirati izgradnju dionice vrelovoda kotlovnice Ilijaš zbog potreba izmještanja dijelova trase vrelovoda na lokaciji Trg ispred objekta JU "KSC I RADIO ILIJAŠ" kao i sa lokacija objekata izgrađenih na trasi

vrelovoda bez saglasnosti Toplana. Ukupna vrijednost ovih radova iznosila je 125.132,00 KM što je realizovano u 2019. godini, a u 2020. godini planirana je II faza Projekta u iznosu od 153.036,00 KM.

Snabdijevanje prirodnim gasom

Usluge snabdijevanja prirodnim gasom na području Općine Ilijaš pruža KJKP "Sarajevogas" iz Sarajeva. Do sada je izgrađena mreža za priključenje potrošača na gasnu mrežu u Ilijašu, Ilijašu Starom, Misoči, Podlugovima, naselje Kamenica, Industrijskoj zoni Luka i i naselja na dionici Ilijaš-Semizovac.

U toku 2018. godine realizovan je Ugovor o sufinansiranju izvođenja radova na izgradnji distributivne gasne mreže p=0,1 za stambene objekte u naselju Alića Gaj.

Općina Ilijaš je finansirala ovaj Projekat u iznosu od 80.000,00 KM.

Također je realizovan Ugovor o izvođenju radova na izgradnji distributivne gasne mreže p=0,1 (0,2) bar u Industrijskoj zoni Luka. Vrijednost ovog Projekta je 60.000,00 KM.

Podaci o broju korisnika prirodnog gasa na području općine Ilijaš

Tarifna kategorija	Broj mjernih mjesta koja imaju mogućnost korištenja gasa (novembar 2019)	Broj mjernih mjesta sa registrovanom potrošnjom gasa (novembar 2019)
Domaćinstva	247	171
Mala privreda	28	24
Velika privreda	6	5
KJKP Toplane	1	1
UKUPNO	282	201

Ovi podaci pokazuju da mali broj korisnika koristi ovaj energent. Koji su to razlozi nije nam poznato, ali pretpostavljamo da su u pitanju visoka cijena opreme i instalacija, cijena i strah od gasa. Pošto se radi o najčistijem energentu treba raditi na tome da se građani stimulišu na njegovo korišćenje odnosno potrošnju, da bi se i ovim štitila životna sredina.

KOMUNALNE DJELATNOSTI ZAJEDNIČKE KOMUNALNE POTROŠNJE

Odvođenje atmosferskih voda

Atmosferske vode u Ilijašu odводе se preko uličnih šahtova i kombinovane ulične kanalizacione mreže koji prihvataju te vode i odvođe ih u prirodne vodotoke. Ulični šahtovi i dalje se neredovno čiste, tako da dolazi do njihovog začepjenja, te se oborinske vode razljevaju po ulicama. Odvojeni sistem odvođenja oborinskih voda ne postoji, te će se i o tome morati razmišljati.

Održavanje čistoće na javnim površinama

Čistoću na javnim površinama u Ilijašu i Podlugovima održava KJKP "Rad" Organizaciona jedinica Ilijaš.

Svakodnevno se ručno čiste površine koje spadaju u prioritet II, a to su Ulice: Hašima Spahića, Omladinska, 126. Ilijaške brigade, Ivana Franje Jukića, Bogumilska i Kakanjska, tri puta površine obuhvaćene prioritetom III, a to su ulice Moševićka i Bosanski put, a jednom sedmično površine iz prioriteta V u koji spadaju površine u Novom Naselju, Kadarići, Misoča, Vratuša, Kamenica i Luka. Na ovaj način sedmično se čisti 572500 m² javnih površina. Jednom sedmično se vrši mašinsko čišćenje ulica putem "čistilice" koja očisti 19600 m.

Održavanje javnih površina

Javne površine u Ilijašu takođe održava KJKP "Rad" Sarajevo Radna jedinica iz Ilijaša. Održavanje javnih površina predviđeno je Programom održavanja kojim je obuhvaćeno održavanje 200.000 m².

Još uvijek je dosta parkovskog drveća i ukrasnog žbunja u lošem stanju i neophodno ga je zamijeniti sa novim sadnicama. Dosta drveća je visokog rasta i blizu stambenih objekata, te svojim krošnjama zaklanja vidik u stanovima, stvara vlagu, a opalo lišće zadržava se u olucima i ubrzava njihovu koroziju i truljenje, te ih je potrebno sjeći.

Služba za saobraćaj, stambeno-komunalne poslove i građenje je u 2019. godini izdala 10 Rješenja o uklanjanju stabala sa javnih površina, a koja su suha odnosno koja su ugrožavala stabilnosti stambenih objekata.

Rješenja o sjeći stabala izvršava KJKP "Rad" Sarajevo Organizaciona jedinica Ilijaš.

Privremeno korištenje javnih površina

Dijelovi javnih površina u centru Ilijaša ispred ugostiteljskih i trgovinskih radnji u ulici 126. Ilijaške brigade i ulici Bosanski put /zanatski centar/, uz plaćanje naknade privremeno se, od strane vlasnika radnji ispred kojih se nalaze, koriste kao ljetnje bašte za pružanje ugostiteljskih usluga i postavljanje tezgi za izlaganje robe za prodaju. Sa većinom tih korisnika i plaćanjem naknade do sada nije bilo problema, osim kašnjenja u plaćanju od strane pojedinih korisnika.

Dekorisanje

Općinsko vijeće Ilijaš na 41. sjednici održanoj dana 31. maja 2016. godine donijelo je Odluku o dekorisanju koja je objavljena u "Službenim novinama Kantona Sarajevo", broj: 24/16. Poslovi dekorisanja povjereni su JKP "Vodostan" d.o.o. Ilijaš.

U 2018. godini Općina Ilijaš je izvršila nabavku ukrasa za novogodišnje dekorisanje Pješačke zone.